

國學基本典籍叢刊

杜澤遜 審定

宋本樂府詩集

六

國家圖書館出版社

(宋)郭茂倩 編

宋本樂府詩集

第六冊

國家圖書館出版社

第六册目錄

卷三十八 相和歌辭十三

瑟調曲三	一
飲馬長城窟行十七首	一
青青河畔草五首	九
泛舟橫大江二首	一一
上留田行六首	一二
新城安樂宮二首	一五
安樂宮一首	一六
婦病行二首	一六
孤兒行一首	一七
放歌行三首	一八
卷三十九 相和歌辭十四	
瑟調曲四	二一

大牆上蒿行一首	二一
野田黃雀行八首	二二
置酒高殿上二首	二六
雁門太守行七首	二六
艷歌何嘗行二首	三一
飛來雙白鶴一首	三二
飛來雙白鶴三首	三三
今日樂相樂一首	三四
艷歌行二首	三四
艷歌行有女篇一首	三五
艷歌行六首	三六
煌煌京洛行五首	三八
卷四十 相和歌辭十五	

瑟調曲五	四三
門有車馬客行六首	四三
門有萬里客行一首	四六
牆上難爲趨二首	四六
日重光行一首	四八
月重輪行四首	四九
蜀道難七首	五〇
櫂歌行十二首	五二
櫂歌行二首	五七
蒲坂行二首	五七
白楊行一首	五八
胡無人行六首	五九
卷四十一 相和歌辭十六	
楚調曲上	六三
白頭吟八首	六三
反白頭吟一首	六九
決絕詞三首	七〇

泰山吟二首	七一
梁甫吟五首	七二
泰山梁甫行一首	七五
東武吟行三首	七五
東武吟一首	七七
怨詩行五首	七七
怨詩七首	八一
卷四十二 相和歌辭十七	
楚調曲中	八五
怨詩十五首	八五
怨歌行二首	八八
怨歌行朝時篇一首	八八
怨歌行七首	八九
明月照高樓二首	九二
長門怨二十七首	九二
阿嬌怨一首	九九
卷四十三 相和歌辭十八	

楚調曲下……………一〇一

班婕妤十三首……………一〇一

婕妤怨九首……………一〇四

長信怨四首……………一〇六

娥眉怨一首……………一〇七

玉階怨三首……………一〇八

宮怨五首……………一〇九

雜怨六首……………一一一

大曲十五曲……………一一二

滿歌行二首……………一一三

卷四十四 清商曲辭一

吳聲歌曲一……………一二〇

吳歌三首……………一二一

子夜歌四十二首……………一二二

子夜四時歌七十五首……………一二六

子夜四時歌七首……………一三二

子夜四時歌八首……………一三三

卷四十五 清商曲辭二

吳聲歌曲二……………一三五

子夜春歌一首……………一三五

子夜冬歌二首……………一三五

子夜四時歌六首……………一三五

子夜四時歌四首……………一三六

子夜四時歌四首……………一三七

大子夜歌二首……………一三八

子夜警歌二首……………一三八

子夜變歌四首……………一三八

上聲歌九首……………一三九

歡聞歌二首……………一四〇

歡聞變歌七首……………一四一

前溪歌八首……………一四二

阿子歌四首……………一四三

丁督護歌七首……………一四四

團扇郎十首……………一四五

七日夜女歌九首	一四七
長史變歌三首	一四七
黃生曲三首	一四八
黃鵠曲四首	一四八
碧玉歌六首	一四九
桃葉歌四首	一五〇
長樂佳八首	一五一

歡好曲三首	一五二
卷四十六 清商曲辭三	
吳聲歌曲三	一五三
懊儂歌十四首	一五三
懊惱曲一首	一五五
華山畿二十五首	一五五
讀曲歌九十四首	一五八

樂府詩集卷第三十八

太原郭

茂倩

編次

相和歌辭

瑟調曲

飲馬長城窟行

古辭

一曰飲馬行長城秦所築以備胡者其下有泉窟可以飲馬古辭云青青河畔草絲絲思遠道言征戍之客至於長城而飲其馬婦人思念其勤勞故作是曲也酈道元水經注曰始皇二十四年使太子扶蘇與蒙恬築長城起自臨洮至于碣石東暨遼海西並陰山凡萬餘里民怨勞苦故楊泉物理論曰秦築長城死者相屬民歌曰生男慎勿舉生女哺用脯不見長城下尸骸



相支拄其冤痛如此今白道南谷口有長城自
城北出有高坂傍有土穴出泉挹之不窮歌錄
云飲馬長城窟信非虛言也樂府解題曰古詞
傷良人遊蕩不歸或云蔡邕之辭若魏陳琳辭
云飲馬長城窟水寒傷馬骨則言秦人苦長城
之役也廣題曰長城南有溪坂上有土窟窟中
泉流漢時將士征塞北皆飲馬此水也按趙武
靈王既襲胡服自代並陰山下至高闕爲塞山
下有長城武靈王之所築也其山中斷望之若
雙闕所謂高闕者焉古今樂錄曰王僧虔技錄
云飲馬行今不歌

青青河畔草
絲絲思遠道
遠道不可思
宿昔夢見之
夢見在
我傍
忽覺在他鄉
他鄉各異縣
展轉不相見
枯桑知天風
海

水知天寒入門各自媚誰肯相爲言客從遠方來遺我雙鯉魚呼兒烹鯉魚中有尺素書長跪讀素書書中音何如上言加飡飯下言長相憶

同前

魏文帝

浮舟橫大江討彼犯荆虜武將齊貫 征人伐金鼓長戟十萬隊幽冀百石弩發機若雷電一發連四五

同前

魏陳琳

飲馬長城窟水寒傷馬骨往謂長城吏慎莫稽留太原卒官作自有程舉築諧汝聲男兒寧當格鬪死何能怫鬱築長城長城何連連連連三千里邊城多健少內舍多寡婦作書與內舍便嫁莫留住善事新姑嫜時時念我故夫子報書往邊地君今出語一何鄙身在禍難中何爲稽留他家子生男慎莫舉生女哺用脯君獨不見長城下死人骸骨相撐拄結髮

行事君慊慊心意關邊地苦賤妾何能久自全

同前

晉傅玄

青青河邊草悠悠萬里道草生在春時遠道還有期春至草
不生期盡歎無聲感物懷思心夢想發中情夢君如鴛鴦比
翼雲間翔既覺寂無見曠如參與商河洛自用固不如中岳
安回流不及反浮雲往自還悲風動思心悠悠誰知者懸景
無停居忽如馳馬傾耳懷音響轉目淚雙墮生存無會期
要君黃泉下

同前

晉陸機

驅馬陟陰山山高一作陰馬不前往問陰山候勁虜在燕然戎
車無停軌旆旆屢徂遷仰憑積雪巖俯涉堅冰川冬來秋未
反去家邈以縣獫狁亮未夷征人豈徒旋未德爭先鳴凶器
無兩全師克薄賞行軍沒微軀捐將導甘陳迹收功單于旃

振旅勞歸去受爵橐街傳

同前

梁沈約

介馬渡龍堆塗縈馬屢迴前訪昌海驛雜種寇輪臺旌幕卷
煙雨徒御犯冰埃

同前

陳後主

征馬入他鄉山花此夜光離羣嘶向影因風屢動香月色含
城暗秋聲雜塞長何以酬君子馬草報疆場

同前

陳張正見

秋草朔風驚飲馬出長城羣驚還怯飲地險更宜行傷冰斂
凍足畏冷急寒聲無因度吳坂方復入羌城

同前

周王褒

北走長安道征騎每經過戰垣臨八陣旌門對兩和屯兵戍
隴北飲馬傍城阿雪深無復道冰合不生波塵飛連陣聚沙

平騎跡多昏昏隴坻月耿霧中河羽林猶角觝將軍尚雅
歌臨戎常拔劔蒙險屢提戈秋風鳴馬首薄暮欲如何

同前

尚法師

長城征馬度橫行且勞羣入冰穿凍水飲浪聚流文澄鞍如
漬月照影若流雲別有長松氣自解逐將軍

同前

隋煬帝

蕭蕭秋風起悠悠行萬里萬里何所行橫漠築長城豈台小
子智先聖之所營樹茲萬世策安此億兆生詎敢憚焦思高
枕於上京北河秉武節千里卷戎旌山川互出沒原野窮超
忽擬金止行陣鳴鼓興士卒千乘萬騎動飲馬長城窟秋昏
塞外雲霧暗關山月緣巖驛馬上乘空烽火發借問長安候
單于入朝謁濁氣靜天山晨光照高關釋兵仍振旅要荒事
方舉飲至告言旋功歸清廟前

同前

唐太宗

塞外悲風切交河冰已結瀚海百重波陰山千里雪迴戍危
烽火層巒引高節悠悠卷旆旄飲馬出長城寒沙連騎迹朔
吹斷邊聲胡塵清玉塞羌笛韻金鉦絕漠干戈戢車徒振原
隰都尉反龍堆將軍旋馬邑揚麾氛霧靜紀石功名立荒裔
一戎衣雲臺凱歌入

同前

唐虞世南

馳馬渡河干流深馬渡難前逢錦車使都護在樓蘭輕騎猶
銜勒疑兵尚解鞍温池下絕澗棧道接危巒拓地勳未賞亡
城律詎寬有月關猶暗經春隴尚寒雲昏無復影冰合不聞
湍懷君不可遇聊持報一餐

同前

唐袁朗

朔風動秋草清蹕長安道長城連不窮所以隔華戎規模唯

聖作荷負曉成功鳥庭已向內龍荒更鑿空玉關塵卷靜金
微路已通湯征隨北怨舜詠起南風畫野功初立綏邊事云
集朝服踐狼居凱歌旋馬邑山響傳鳳吹霜華藻瓊釵屬國
擁節歸單于款關入日落寒雲起驚河被原隰零落葉已寒
河流清且急四時徭役盡千載干戈戢太平今若斯汗馬竟
無施唯當事筆硯歸去草封禪

同前

唐王翰

長安少年無遠圖一生惟羨執金吾騏驎前殿拜天子走馬
爲君西擊胡胡沙獵獵吹人面漢虜相逢不相見遙聞鼙鼓
動地來傳道單于夜猶戰此時顧恩寧顧身爲君一行摧萬
人壯士揮戈回白日單于濺血涂朱輪回來飲馬長城窟長
城道傍多白骨問之耆老何代人云是秦王築城卒黃昏塞
北無人煙鬼哭啾啾聲沸天無罪見誅功不賞孤魂流落此

成邊當昔秦王按劍起諸侯膝行不敢視富國疆兵二十年
築怨興徭九千里秦王築城何太愚天實亡秦非北胡一朝
禍起蕭牆內渭水咸陽不復都

同前

唐王建

長城窟長城窟邊多馬骨古來此地無井泉賴得秦家築城
卒征人飲馬愁不回長城變作望鄉堆蹄跡未乾人去近續
後馬來泥汗盡枕弓睡着待水生不見陰山在前陣馬蹄足
脫裝馬頭健兒戰死誰封侯

同前

唐僧子蘭

游客長城下飲馬長城窟馬嘶聞水腥爲浸征人骨豈不是
流泉終不成潺湲洗盡骨上土不洗骨中冤骨若不流水四
海有還魂空流嗚咽聲聲中疑是言

青青河畔草

齊王融

容容寒煙起翹翹望行子行子殊未歸寤寐若容輝夜中心
愛促覺後阻河曲河曲萬里餘情交襟袖踈珠露春華返璿
霜秋照晚入室怨蛾眉情歸爲誰婉

同前

梁沈約

漠漠牀上塵心中憶故人故人不可憶中夜長歎息歎息想
容儀不言長別離別離稍已久空牀寄酒杯

同前

梁何遜

春蘭已應好折花望遠道秋夜苦復長抱枕向空牀吹臺下
促節不言於此別歌筵掩團扇何時一相見弦絕猶依軫葉
落裁下枝即此雖云別方我未成離

同前

梁武帝

幕幕繡戶絲悠悠懷昔期昔期久不歸鄉國曠音輝音輝空
結遲半寢覺如至既寤了無形與君隔平生月以雲掩光葉

似霜摧老當途競自容莫肯爲妾道

同前

梁荀昶

熒熒山上火茗茗隔隴左隴左不可至精爽通寤寐寤寐寐
憐同忽覺在他邦他邦各異邑相逐不相及迷墟在望煙木
落知冰堅升朝各自進誰肯相攀牽客從北方來遺我端弋
緜命僕開弋緜中有隱起珪長跪讀隱珪辭苦聲亦悽上言
各努力下言長相懷

泛舟橫大江

梁簡文帝

魏文帝飲馬長城窟行曰泛舟橫大江因以爲
題也

滄波白日暉遊子出玉畿旁望重山轉前觀遠帆稀廣水浮
雲吹江風引夜衣旅鴈同洲宿寒鳧夾浦飛行客誰多病當
念早旋歸